

استینا

نومرو ۹

پنجشنبه

۶ تشرین ثانی ۱۳۲۴

عزم و اراده

« بکا بر نقطه استناد و یرک، سزه محرک ارضی تبدیل ایدیم. » آرشیمدک، زمان قدیمک اویوک هندسه شناسک شو سوزنده کی قوت نه بویوکدر، نه بلند برمات و جسارت قلبی ارانه ایدر .

انگلیزده شویله دیور : « دنیاده هیچ بر شیئه امنیم یوقدر . امنیم یالکر کندی قوتنه ، روحک ، بدنک قوتنه درکه بی هیچ آلتاماز . » اعتماد نفس قدر انسانی آز آلتایجی بر استناد کاه تصور اولوناماز . آنا ، بابا ، بونلر و آخر سایه سنده ایدینلن ثروت ، اقبال هیچ بر شی باقی دکدر . آنجق بر طبع بلندی ارانه ایدن قوت قلب و روحدر ، شدت عزم و اراده درکه ، اصلا و فاسزلق کوسترمکسزین ، و هر دم متعالی روش معظم و محترمیله ، انسانی خیال بشرک یتشه مه دیکی ذروه لره ایصال ایدر .

جهانک او محنتم سرافرازلری، روی ارضه جهت جهت ، مهیب و معلا ایزلر براقارق عالم دیگر احترامه چکیلن او بیوک انسانلر ، اسکندرلر ، دارالر ، نیوتونلر ، آرشیمدلر ، فاتحلر ، یاووزلر ، مراد رابعلر ، نابولیونلر ، روصولر ، کلالر ، قونتلر ، اسپنسرلر ، بوتون بوسنادید سطوت و معرفت ، هپ عزم و اراده ایله . فکر و قلب پرمتانلرینه « شونی یایاجم! » قرار و آرزوسنی قویدقدن صوکر ، اونک امکان حصولی ایچون طاشیدقلری ایمان قوی ایله او موقع محنتم و جهانگیرلرینه صعود ایتشلردر .

عزم و اراده ملکات فکریه نک اک بویوکدر . بر مقصد نخبیانه یه ترفیق - استشاره -

ایدیلنجه ، عظمت و علو جنابك اساسنی تشكیل ایدر . عطیات و مسكنتله دوجار خسار اولماش بروجوده تلقیح ایدیلر ایدیلمز ، اونی هانکی صنف اجتماعیه منسوب اولورسه اولسون ، درحال یارلانیر ، همجنسلی ایچنده سرافراز قیلار . دهانك ثبات و متانت محصولی اولدیغنه بر چوق دهات علم و ادبیه برلکده اعتقاد ایدینیرسه عزم و اراده نك اهمیتی دهها زیاده قضاا ایدر . عزم و اراده اساس انساندر . انسانك حرکاتنه هیجان ، اجتهادانه جان ویرر . هر امل مقبول و مشروعه تأمین موفقیت ایدر . املك . آمال بشریه نك حیاده کی موقعی ، حیاته نه روح و رایحه ویردیک ایسه معلوم و مثبتدر .

بر معبد دیوارنده : « بنم قوتم ، امیدمدر ! » دیسه یازیلی : نه لطیف . نه معلا برسوز ! چیرپنان ، حیاته پرکشای آمال ، جسورانه آیلان برقلب میتندن باشقه دهها نه ایسته نیر ؟ کونلرجه ، آیلرجه ، سنه لرجه چالیشوب آرقه سندن قوشارق برشیته نائل اولق ، یاخود نائل اولامانجه ، « بن المدن نه کلدیسه هیدنی یایدم . سنه لرجه اوغراشدم . فقط اولمادی ! » دیسه ، فعال و متین برعزم و اراده نی ، باشقا بر ساحده قوشدور مادن اول ، شویله بردورارق . کوکرده کوکرده ، سویله نك نه بویو کدر ! . کدره تحمل و ثبات ایله قارشى قویان ، بالکز کندی قوتیله ، قوت روح و جسمیله غلبه ایدن ، یاخود برسی زورک ایجابیله ، اللری قانار ، دیزلری تترکن ، جسارتنه دایانارق ، حالا ایلریله بن بر آدمك حالتدن دهها علوی ، دهها جسارتبخش نه واردر ! . .

بری دیورکه : « حیاده آنجق مادی و معنوی برزحتمه بادی اولان مساعی ثمره داردر . جدال ، دائماً جدال ! حیات ایشته بودر . و او یله اولونجه بن کال افتخارله حیاتی پك مکمل کچیردیکمی ادعا ایده بیلیرم . چونکه هیچ برمانه بنی هدقندن آلیقوماشدر . جسارتم هیچ قبریلمامشدر . موانع برانداز برصولتله ایلریلدم ، دائماً ایلریلدم . و ایلریلین ، اصیل برقرار اوغورنده هر وقت چارپشان شبهه سز موفق اولور . »

اسوج قرالی دوقوزنجی شارل ، اراده نك حکم و نفوذینه پك معتقد و معتمد

ایندی . « ایستخج، هرشی پاییلر . « دیردی . ناولیون ایسه « غیر ممکن »
سوزینک بر مرد غیور لغتده اولمادیغنی سوبلر، دورردی ؛ « بیلمه یورم، یاپامام ! »
تعبیرلریله ایتهازدن منع نفس ایده مزدی .

..

ایستخج شی قسماً یاییلمش دیمکدر . ایستخجلی و یایمالی . هر لسانک بو
خصوصده بر چوق ضرب مثلاری واردر ؛ بزده : « دبلهین مولاسنیده بولور،
بلاسنیده » ضرب مثلی زبازددر . بوندن باشقا، عربله برانکده : « همه الرجال
تقطع الجبال » ده دیرز . ایتالیانلر « ایسته مک ، مقتدر اولمقدر » دیرلر .
فرانسزلرده بو کا بکزر برشی سوبلرلر .

فقط بو ایسته ییشلر ، بو آرزولر ، هرکسک فکرندن کچن ، کلن و کچن
عاطل و اغفالکار برهوس ، اوآر ضعیف و خیال دکادر . انسانی دوشوندی ریجی،
یورجی ، کونلرجه ، آیلرجه ، سنه لرجه ، اوت سنه لرجه ، آرقاسندن
قوشدیریجی، قوت قلب و اعتماد نفسدن متولد برشی ، برخصلت کزیندر .

مهم ، متردد ، بی هدف ایسته کار ، افکاری رخارت و عطالته ، کشمکشه
دوشورمکدن باشقا برشیده یاراماز . موفقیتبخش آرزولر ، برعزم شدیدمه مربوط
اولانلر ، ثباتکار ، متین بولونانلردر . قوت طبع احمایی برشیده سرعتله ، آن
واحد دینیه جک بر زمان قلیله قرار ویرلر و قوشارلر . بویله سرعتله ، فقط
تعقیبی ایچون قلبده قوی ، متین عهدلر ، آرزولر ، او یاندی اراق ویرلن
قرارلردر که ایش زباده تولید موفقیّت و سعادت ایدرلر .

ترقی ، شوکورولان ترقیات فیکریه و مادهیه شبهه سز هپ اثر عزم و اراده در .
اراده انسانی بر نقطه ده مدت مدیده توقف و تفکره سوق ایده رک افکاره رونق،
حمق ، قوت ویرر ؛ روحه باشقا کشایش ، باشقا عظمت تأمین ایدر .

اراده اولماخج، انسان مسکین ، انسانیت عاطل و ساکن قالیر . بر قلب متیندن
غلیان ایدن : « بن بویله ایسته یورم ، بویله اولاجقدر ! » اراده و قراری
نملره قادر دکادر .

ناریخه شهامت وانجلا ویرن شیلر بویه بی محابا، حتی چیلغینجه سنه آیین
وتعقیب ایدیلن قرارلردر . دنیایی برحکمداره آزکون بادشاهمژک او بویوک
مظفریاتی ، شهسز، یاری یارییه او بویوک آرزوسنک ائیردر . سلاح سطوتی
بحر محیطلره قدر ایله تن عرب امیرجلاد تسیرینک موفقیات عنیده سی ایسه،
کندی عمانلر اوکنده قهر وغضبندن تتره تن ، « یارب شودریای عمان مانع
مشی وسیران اولماسهیدی ، اسم جلالکی اقصای عالمه ایصال ایدردم ! » فریادیله
تظاهر ایدن اولو بر عزم واراده ثمره سیدر .

عزم واراده ایسته بودرجه تاثیرلدر ، قطعی تاثیرلدر . انسانه ایسته دیکفی
یایمق ، ایسته دیکفی کبی بر آدم اولمق اقتدار وصلاحیتی تأمین واحضار ایدر .
چونکه برکره برشیته قرار قطعی ویریلدی ، کیدیله جک یر ، یاسیله جق ایشی
ایسجه تعیین ایش اولمقدن متولد بر قوتله آرتق حیاتک زواللی براسیری اولوب
قالماز ؛ بالعکس اواسیر ومنقاد ایدیلر .

آنالیمژک ، بابالیمژک چو جوقلغمزده تکرار ایتدکری : « اوغل ، پاشا
اولاجقسک ، بویوک آدم اولاجقسک ! » سوزلری اطفاده علوامل اویندیرمه
بلکه یارار . فقط ویریان تربیه ، بو هدف ایله او قدر ضد ، او قدر یابانچی
درکه او هدفه اصل اولمق شویله دورسون ، اصل اولاماق خسرانیه اوزواللیلر
آه وفاته قربان اولور ، کیدرلر .

أبوینمز ، روح واعصابمزه حیاتله مجادله ایدم جک قوت وزندگی ویره جکاربیه،
تا ابتدادن حیاتله الفتمزه چالیشاجقلربنه ، اوزریمزدن هیچ اکسیک اولمایان
محبت وشفقتلرینک ایلحق نفحه سیله بزلری ایشمزلرک ، رخاوت ، حیانه قارشى
برلاقیدی مهلهک سوق ایدرلر . بویورز ، سن کماله کایرز ، ینه چو جوق قالیرز .
یالکز باشمزه برایشی یابامایز ، برتشنده بولونامایز . بی امل و بی هدف ، اک
اوقاق ایشلر قارشیسنده تتر ، خوف و تردده ، دوشهرز .

بویه ، اولونجه ، او بویوک ، او موفقیته بخش عزم واراده دن محروم قالمق
یک طبیعی دگی؟ حال بوکه باشقا تربیه کورن ، حیاتله تا چو جوقلقلرنده

چارپشمغه باشلايهرق ، سعادت و سلامتی ، آنانك ، بابانك لطف و معاونتدن
زیاده سی ذاتیسنده کورمکه سوق و اجبار ایدیلن کنجلرده ، مثلاً بوکونك
انکلیزلرنده ، امریقایلرینده ، آلمانلرنده عنزم و اراده دها بدایتده تأسس
و تأییده باشلار . اونلرك هر حرکتی ، بدایتده موفقیته نامزد اولور .

اونلرله آرامزده کی فرق عظیم ایشته بودر ! طرز تربیه ، و حیاتی
طرز تلقیمزده کی اختلافدر که انکلیزلری ، امریقایلری قوی ، متین ،
صاحب عنزم و اراده یابارکن ، بزلی ضعیف ، زبون ، متردد بر اقییور .
نه وقت که بو حالزی ، او اسکی اصول تربیه مزی دیکشدیرر ، احتیاجات زمان
و حیاتی حقیله ادراك ایدرهك کندیوزه اوکا کوره بر خط حرکت ویرسهك ،
او وقت ، ایشته یالکز او وقت بزده شوعللمده موفق و مسعود اولورزه
موفقیت و سعادت یالکز بونده ، شخصاً قوی و صاحب اراده اولمقلغمزده دره .
هیچ بر قانون ، هیچ بر طرز اداره بزلی او ایسته دیکمز ترقیلره ، تعالیلره مظهر
ایده مز . لیس لالاسمان الاماسی !
آنقره مبعوثی

ماهر سعید

یکرمنجی عصر اوائلنده حقوق دول

۱

تقنین و قواعد اصولیه

بیتن عصردن نه قالدی ؟ باشلایان عصر نه وعد ایدیور ؟ بو سئواللرك
حقوق دوله تعلق ایتسی ، فکر و حیاتك نظاھرات سارھسنه تعلق ایتسندن
زیاده جوابی اشكال ایدر .

باخصوص « اون طقوزنجی عصرده حقوق دول ترقی ایتدی ؟ » سئوالنه
بیرکله ایله جواب ویرمك مجبوریتی وارسه مشکلات محال درجهسنه واریر .
حقوق دولك غایه یکنهسی ، بین الملل حربك الغاسی و صلح مؤبدك